


霍廷軍紀畧



建軍紀念



霆軍紀畧 全八冊

清·陳昌撰

江蘓廣陵古籍刻印社出版

揚州古籍書店發行

定價一百一十元

霆軍紀略者余同年陳世五儀部為今
湖南提督一等子奉節鮑公作也鮑公
於咸豐中以霆軍之名震宇內如左所
稱龍城飛將者雄威赫赫婦孺咸知而
其乘機決勝諸略亦在可為後世法即
古握奇陰符龍輻輪鈴之祕何多讓焉
不有載言何以傳信世五同年爰取綱目
編年之體大書分注自公從戎以迄撤兵

凡若干年書成并余讀之余雖江淮草
木亦若見之於勁風振擣時也他日者
鮑公勲業且將震古爍今世五珥筆紀
事以誅金管之采者亦復相須於毫末
焉世有吉甫安可無張仲武光緒辛

巳秋九月阮望

賜進士及第翰林院脩撰教習庶吉士

元和陸潤庠跋



霆軍紀略卷十五

銅梁陳昌世五編輯

門人吳樹棠全校字

庚辰光緒六年

正月鮑公在籍養病

特詔起之

鮑公自告養傷病以來氣體迄未復元去年十月兼患
目疾日漸沈重多方調治至是始有轉機二十一日軍機
大臣奉

上諭前浙江提督鮑超著丁寶楨傳旨飭令來京陛見該前提督曾經辦理軍務屢著戰功現在時事艱難需才孔亟務當懍遵諭旨迅速來京不准推諉遲延

二月鮑公在籍籌備入衛

鮑公尙未奉到上月

諭旨卽借用夔州府印具奏云臣昨接閱邸抄並中外來函皆以俄人和約未成恐勢須用兵而各路邊防尤爲方今急務臣受

恩深重感激逾恆雖在籍養疴嘗思效命疆場力圖報稱

今國家多事之秋正臣子致身之日何敢以傷病未愈自
耽安逸更不敢以春水方漲驛路艱難稍有延宕臣擇於
三月初十日由水路起程等語旋又奏言臣於二月二十
四日亥刻已將起程日期由驛具奏在案茲於二月二十
七日准督臣丁寶楨二月初八日由驛五百里咨請
上諭前浙江提督鮑超著丁寶楨傳旨飭令來京陛見等
因欽此臣跪讀之下感悚難名伏思用兵之道能先發
制人臣之舊部自遣撤後已回各省原籍而四川兩湖爲
多兩湖又以湖南爲多從新招集成軍動需時日若必待

臣入都

陛見面聆

聖訓後始行調募則往來道途已逾三月之久
告緩不濟急致誤事機臣除將川中舊部將弁先行調集隨帶赴楚一面飛飭湖南湖北兩省舊部將弁齊集湖北適中之地已派員前往布置一切一面舍舟登陸由宜昌樊城赴都如途中接奉

諭旨允准臣卽轉飭諸將廣爲招募認真訓練俟臣

陛辭赴楚計已逾數旬所練諸軍當有成效惟臣當日

統率步隊三十餘營現在擬招步隊三十營除營務處親兵百名外再加招親兵一營共三十一營又當日霆軍馬隊十二營帶吉林馬隊二營共十四營今擬招馬隊十五營總共馬步隊四十六營查向章楚軍湘勇每營五百人原日霆軍虎勇每營六百人口糧則照楚軍章程以遠近照霆軍章程方足以敷分布核算每月共需軍餉一十六萬有奇其餉項銀兩應請

飭下各直省督撫臣委派大員辦理糧臺隨營支發俾臣無經理餉項之責得以專意戎行軍中以火器爲先除守

營大礮外行隊每營劈山礮二桿步隊槍矛各半合算共
需矛頭來福洋鎗九千三百桿後門洋鎗六百桿每桿丁
字火五百馬鎗三千桿六响丁字火短洋鎗五百七十桿
每桿丁字火五百所有洋藥洋火均應廣爲儲備源源接
濟可否請

旨飭下兩江廣東督臣委員迅速採辦解往湖北應用並
請飭下湖南湖北督撫臣俟臣派定統領營哨咨定章程
後尙須發給劈山礮六十桿至於鑼鍋帳棚斂鐮斧鋤旗
幟刀矛等件俱營中必需之物務須先期趕辦以免臨時

缺乏等語又附奏言記名提督直隸通永鎮總兵唐仁廉
勇敢善戰原係霆軍第一驍將可否請

旨飭下直隸督臣李鴻章轉飭該鎮仍舊歸併霆軍之處
伏候

聖裁至福建駐省霆慶二營亦臣舊部素稱勁旅昨請
飭閩浙督臣何璟飭令來營聽候調遣如閩省以防守需
入則現署福建陸路提督孫開華亦係霆軍健將久爲台
灣生番所畏服足資捍禦且部下勇將尙多在閩省不盡
恃此兩營而歸併臣部爲一軍則可收指臂之效等語又

附奏言臣請先事調募在未奉

諭旨統兵之前議者或以爲操之過蹙且迹近專擅不知倉卒臨戎兵家所忌有備無患自古爲然此次倘蒙

福蔭不用一兵不折一矢而中夏乂安外洋恭順固薄海臣民所深慶臣所調諸將皆係舊部已飭令自備資斧不難立時遣散萬一邊疆蠢動則防範在先布置周密彼必不能得志等語於二十九日由驛五百里馳奏

四月鮑公補授湖南提督

鮑公自報起程後力疾北上是月二十八日行抵通州奉

旨湖南提督著鮑超補授

五月鮑公入都蒙

召見二次

鮑公抵都寓東安門外法華寺初一日味爽趨朝見軍機
王大臣於朝房卯正

召入

養心殿之東間

皇上向西坐

孝貞顯皇后在後黃幔之內有內監揭起門簾鮑公入門

家範卷之五
五
三步跪奏稱奴才鮑超恭請

聖安旋免冠碰頭奏稱奴才叩謝

天恩畢戴冠起向上行五步許半對

皇上半對

孝貞顯皇后跪

孝貞顯皇后問你何日動身

奏

奴才於三月十三日由原

籍四川夔州府起行奴才奏報原係三月十一日起行因

服藥三劑耽延故至十三日始得起行

問川省百姓安

否

奏

督臣丁寶楨操守甚屬廉潔百姓安堵如常

問沿

途百姓安否奏仰沾

天恩百姓俱安 問現在年成好否奏沿途年成俱好小

春俱已得收 問你在途走了多少日期奏坐輪船十餘

日沿途服藥就延水陸計一月有餘 問沿途服藥你有

那些不爽快奏奴才接各路來函傳聞異詞云古北口俱

在開仗俄船已到天津都城告警奴才憾不得一翅飛來

因此夜下繕稿恭報起程日期以慰

朝廷雖念一面函致各省舊部諸將前赴湖北適中之地

等候奴才具摺請

旨招募勇丁是否可行迎摺北上恭候

批示祇遵以免展轉耽延奴才晝夜籌畫眷口等見其過勞勸令稍息奴才以國事如此緊急臣子何忍安閑因此肺脇受寒致成咳嗽掣動舊傷 問你沿途在那幾處服

藥

奏

在宜昌服藥五劑至天津李鴻章見奴才形容憔悴

留住服藥十餘劑

問你是要緊的人服藥總要審慎是

四川醫士好還是宜昌醫士好還是天津醫士好

奏

服藥

都覺平常

問到底那箇醫士之藥靠得住些

奏

李鴻章

所薦醫士之藥似覺平和

問你有幾弟兄

奏

四弟兄